

21175

S P L E N D O R

G L O R I Æ Æ V I T E R N Æ,

GENEROSI OLIM, ac SPECTABILIS DOMINI,

D. J O A N N I S

G A U D E N T I I

Z A C H E R L A,

C O N S V L I S C R A C O V I E N S I S,

S A C R Æ R E G I Æ M A I E S T: S E C R E T A R I I,

in Ternis eius Sideribus Avito MONOCEROTI,

ad metam immortalitatis prælucentibus;

V i n d i c e m e r i t o r u m f a m â

P E R E N N A N S:

ATq. DUM EI,



I N E C C L E S I A A R C H I P R E S B Y T E R A L I,

B. M A R I Æ V I R G I N I S i n C i r c u l o,

I u s t a F u n e b r i a p e r s o l v e r e n t u r,

a d p e r p e t u a m t a n t i V i r i, & P a t r o n i f u i

M E M O R I A M,

J O S E P H O G A S P A R O M A I E R A N O W S K I,

Magisterij Doctoratus in Artibus Liberalibus,

& Philosophia LICENTIATO,

L u c i p u b l i c æ

C O N S E C R A T V S.

Anno Luminis de Lumine Nati, nube carnis humanæ velati,

1696. Die 9. Maij.

C R A C O V I Æ, T Y P I S V N I V E R S I T A T I S.

SPLENDOR GLORIÆ ÆVITERNÆ.



Emo tam fausto fidere vixit;

vt ex hodiernis Phœbi blanditijs,
Crastinum sibi lumen posset polliceri.

Nulli certa dies;

Etiam dum medio terra incalescit die, eripiunt subito nubes,
cælumq; diemq; :

dumq; ardentior futurorum zelus, sollicitæ spei distendit filum;
vitæ flamina rumpit, invida humanis conatibus Proserpina.

Superba Triumphatorum Majestas,
Triumphales inter ignes quidem lucem quærit;
sed non hoc nitore ferales eludit pyras.

Excelsis illi Mausoleis dum inferuntur,
tot quidem inter tædas medijs, tenebras fugant;
sed funebrem Mortis Vmbram non effugiunt.

Mundani splendoris, an squaloris æstimatio,
vbi summum invenerit;

cùm nec sistere, nec regredi valeat, interitum quærit.

In ipso ingentis spei, & honoris meridie,
in æternam clauduntur lumina noctem,

postquam vltima letho damnaverit hora,
veneritq; summa dies, & ineluctabile fatum:
tantò acriori ictu,

quantò longioris pœnas fulgoris, exigit à miseris.

Funesta metamorphosi,

Splendor in fumum, Purpuræ in syrmata, palmæ in cupressos,
currus triumphales in urnam desinunt:

eò solum splendida;

quòd majori dum cadunt rudere, famosius relinquunt bustum.

Vitæ humanæ Lux,

quantùm mortalibus distet ab umbris,

Mors sola fatetur:

quæ omnia sub leges vocat atra suas.

Vindicat Te tamen, ab hac tenebrarum sorte,

Nullò delebilis ævo, ac in cinere vivax,

Rectefactorum Splendor.

GENEROSE OLIM, ac SPECTABILIS DOMINE,
D. IOANNES GAVDENTI
ZACHERLA,
Consul Cracoviensis, S. R. M. Secretarie,

Alternas, inter umbras lucemq; , nescis vices:

qui cum Tui memores alios merendo feceris,

obscura oblivionis nubila, nobilibus illustrando gestis,

communem mortalium noctem, in splendores vertis.

Alijs quidem inter lucernarum agmina, lychnorumq; fumum,

ultimus in funere fulgor est;

ut ministro Vulcano condantur:

qui sub tenebris latitantes cælo teste non vixerunt.

Te vti Divinior mentis honestæ illustraverat fax;

& excelsior factorum amplitudo, a privati laris exemit caligine;

ita aridos effugiens una rogos Magni nominis gloria vindex,

Æternitati sine fuko inseret.

Inocciduum perennaturi Tui nominis Lumen,

Ipsa non fatuis rumorū ignibus, aut modicū fulgētibus evanidæ ostērationis depicta meteora,

sed perpetuo per ceras maiorum deducto fulgore radiantia,

portenderunt sidera.

nisi pulchrius duceres, prælagiū non tam accipere, quàm implere.

Quis ambiget cum splendoribus natum, qui ex avitorū viscere siderū prodieras

his tamē splendere solis, parū autumabas; nisi intaminatis Virtutū Tuarum

præntiteres fulgoribus.

Et genus, Et famam Et qua non feceras ipse, vix Tua gesta putans.

Avito Tuo Monoceroti,

non ad Hircaneos recessus damnati saltus,

sed Laurentes campi primæva præbuerunt pascua,

omnia factorum consiliorumq; momenta, in laurus cessura ominantes.

Grandem immortalitatis pergere viam, per Poloni Orbis latifundia egressus,

quid aliud celsitudine animi Tui, quàm splendores dedit

inocciduos meritorum.

Fixa tua noluit sidera esse;

ut magnorum exemplo luminarium,

ope, consilio, pronus & beneficus in omnes,

omnium vtilitati promptius inservires:

quorum ab Hesperio Cælo egressio, Sarmatico sublimata Polo,

Turrium Ternioni cesserat in coronam.
Hinc Aquilæ Polonæ Cor, Sceptrorum Custos, Regiarum gratiar ũ

Compendium,

inviolatâ pro Deo, Rege, Regnoq; fide, Turris fortissima,
ex qua mille *Clypei pendent* armatura fortium,

Orbis Sarmatici aux Cracovia,

ut celsius assurgeret, Tuum excellum animum,

summis Cælo tenus extulerat honoribus;

ut ad Hyperborei Orbis axem, Nobilitatis accenderent meridiem,

Gentilitia Tua astra serenavit:

Consularibus exornando Curulibus,

ranti regiminis tanquam Cæleste pondus imposuit,

ex humero Te Atlantem cognoscens.

Dignus hic Cornigero Tuo campus bene merendi contigerat;

in quo præeuntibus cunctorum votis, comitante plausu,

palmare decus ubiq; acquireret, vel faceret;

quidquid de dumetis negotiorum attigisses.

Indignari Magnis Viris fortuna audet,

cùm ijs ardua obijcit.

Honorum quippe fastigia, ut montium vertices,

Cælum quidem & Iovem, sed non sine tonitru tangunt.

Pectoris infracti Virum, ut faceret rigida Virtus,

per prærupta abiit;

sideribus tuis non dissonâ sorte:

quorum in summo melius dignoscitur splendor.

Audijt Orbis, Vidit Urbis facies, sensit cunctorum vtilitas,

molem sollicitudinis, sapientiæ responsa, vitæ exemplaria.

In sapientissimo Senatorum Metropolis istius Areopago, quidquid protuleras:

Cyrrhea secreta movente Deo, certius fuit.

Publicis privatisq; cōsilijs Cōsus, justitiâ Aristides, æquitate Phociō,

quidquid præceperas, exemplo probasti.

Expeditum in curas pectus, concepta simul & absoluta probarunt negotia,

arduis perficiendis, mente tam idoneâ;

ceu consilia rem expectarent, vt ex ea nascerentur.

Septies repetitas Urbis Ausoniæ Orbisque secures,

Marium sibi gratulatum fuisse non invidemus:

Certiores, Proconsularem dignitatem plus sibi plaudisse,

quod

quod pectus invenerit Tuum, in quo magnificentiâ suâ explicaret,
ac semper suas quadrigas revocante Phæbo, renovaret,
omnium quidem vti plausu, ita stupore,

sed tuorum siderum regulari motu.

In ævi Tui gloriam, subsequenter, exemplum datus,

Patris Consulisque miscebas officia.

Operum tuorum celsitudine nec extolere volueras, nec monstrare opus erat,
quæ superant encomia, & sub cunctorum obtutu cum sint, vincunt silentia
Memphitici laboris paratu, Rhodijs Colossis, septizoniorum pinaculis,

gloriosius Tibi immortale Polo inserit nomen,
distingvendis inconstantis temporis procellis, sursum subducta

Cracia Pharos:

quæ dum horas resonat, nullam horam,

sine tui recordatione patitur præterire.

Grave visum est, temporis decursus leviùs pendis

cui omne punctum in pondere fuit.

Inter mortifera acerbæ luis contagia, vix spirans Vrbs;

Spiritum quem retinuit, Tibi debet.

Vel hoc ipso, in occiduum Tibi vendicasti gloriæ lumen:

qui in ipso pene occasu, ejus splendorem servaveris.

Vt cunq; illa, lethales hos levabat æstus;

cùm fecundior largitatis Aganippe, vberius Monecerotis Tui,

quàm Pegasi incessum sequeretur:

Sideraq; repararent tua, quidquid corruptus everterat àér.

Ardentior pro hoc Latio Romulus,

Asylum erexisti;

quo tutius pateret refugium, quos dura hæc supplicia infestarent.

Fœcundus pauperum ager,

copiosam sementem, infinitâ nunc votorum rependit messe.

Felicia illa auri damna; quæ sic intereunt,

ut Deum relinquant debitorem.

Eminet tantæ Vitutis tuæ Monumentum,

cœu sublime Statori Deo, formam servi accipienti erectû Capitoliû,

Orphanotrophium de Saxia:

in quod promerita, ad calculos revocare nolo,

nam cum vectigales æternitati feceris annos,

diem præterisse dolens; quâ non benefaciendi calculo designasses.

Divitiorem Amaltheæ Cornu, in Unicorni Tuo dedisti affluentia.

Sidera tua, pabula rammis, ab inferioribus non sorbendo,
charitatis ardorem, splendorem consilij, & tot occultas munificentiae
influencias, etiam non poscentibus offerebant:

extra fortunam ponendo, quid quid in communem detulerant utilitatem.

Hinc cætera Mansuetus:

hoc unum violentiae explicuisti genus,
quo omnium devincens amores, pectora mancipares;
libertatem vendentibus, qui acceperant beneficium.

Fabricios Curiisque,

revocatos, aut superatos in Te non miramur:
qui, ut siderum tuorum puriorem explicares splendorem,
densiorem evitabas halitum;
ut è procellis mundi, in Continentem citius trajceres,
in vita continentissimus permansisti.

Multis quidem numerosa de alijs trophæa surgunt,
Tu domitor Tuipsius gloriosius erexisti:

Certus,

*illam ceteris antestare lauream,
quam victor animus perceperit ex seipso.*

Altius iam virtutum arcana rimari nolo,
quibus non ostentatrix modestia, Timantis Velum præterdit.
Elogiorum Tuorum summus Apex, sed non terminus est.

Genitrix Genitoris sui MARIA:

Cui cum sol in trabeam, Luna in scabellum,
Tua quoque sidera in Coronam cedunt;
per tot votiva anathemata, dotationis insignia, & piorum laborum impendia.
Amplius splendorem tuum lucemque non definies,
dum Te solis prænuntia Aurora Consurgens,
ab occasu vindicabit:

Quæ Tibi

Supremum vitæ crepusculum, in clarum beatioris Vitæ mane vertat:
Ut Graciae Urbis olim Columnen, nunc splendor,
perenni immortalium meritorum luce,
cuncta clarius etiam post fata serenans,
In splendoribus Æternæ Gloriæ refulgeas.



